

07 OCT 1996

SUHARTO HADIRI JAMUAN BERSAMA AGONG

KUALA LUMPUR, 7 Okt (Bernama) -- Presiden Suharto yang mengakhiri lawatan kerja selama dua hari ke negara ini, hari ini menghadiri majlis jamuan makan tengah hari bersama-sama Yang di-Pertuan Agong Tuanku Ja'afar di Istana Negara, di sini.

Turut hadir pada majlis itu Perdana Menteri Datuk Seri Dr Mahathir Mohamad dan Menteri Penerangan, Datuk Mohamed Rahmat selaku menteri pengiring.

Terdahulu, Timbalan Perdana Menteri Datuk Seri Anwar Ibrahim mengunjungi Suharto di Hotel Istana, tempat penginapan pemimpin Indonesia itu, untuk mengucapkan selamat jalan.

Anwar meluangkan masa kira-kira 15 minit bersama Presiden Indonesia itu. Suharto dan rombongannya dijadual berlepas pulang petang ini (3.30 petang).

Lawatan Presiden Indonesia itu atas undangan Dr Mahathir, sebagai sebahagian daripada pertemuan dua hala kedua-dua pemimpin yang diadakan dari semasa ke semasa.

Suharto diiringi oleh Menteri Negara, Moerdiono dan 48 pegawai kerajaan. -- BERNAMA

RHM OBA